

Na osnovu člana 64. Pravila Javne ustanove Centar za autizam „Meho Sadiković“ Tuzla broj: 67-3-1/22 od 23.11.2022. godine, a u vezi sa članom 20 a. Zakona o radu („Službene novine Federacije BiH“, broj 26/16, 89/18, 23/20 i 44/22), na osnovu člana 4. i 6. Uredbe o postupku prijema u radni odnos u javnom sektoru u Tuzlanskom kantonu („Službene novine Tuzlanskog kantona“, broj: 4/19, 4/20, 11/20 i 5/21), člana 9. Pravilnika o radu Javne ustanove Centar za autizam „Meho Sadiković“ Tuzla broj: 67-3-4/22 od 23.11.2022. godine, Odluke Vlade Tuzlanskog kantona broj: 02/1-30-7597-1/24 od 07.05.2024. godine i na osnovu Odluke o raspisivanju javnog oglasa za prijem zaposlenika u Javnu ustanovu Centar za autizam „Meho Sadiković“ Tuzla broj: 335-1/24 od 13.05.2024. godine direktor Javne ustanove Centar za autizam „Meho Sadiković“ Tuzla objavljuje:

## **JAVNI OGLAS**

**za prijem zaposlenika u Javnu ustanovu Centar za autizam „Meho Sadiković“ Tuzla**

### **I**

Javna ustanova Centar za autizam „Meho Sadiković“ Tuzla (u daljem tekstu: Centar) raspisuje Javni oglas za prijem u radni odnos **na neodređeno vrijeme sa punim radnim vremenom** za sljedeća radna mjesta:

- 1. Edukator rehabilitator/defektolog odgovarajućeg usmjerenja, 1 izvršioc;**
- 2. Psiholog, 2 izvršioca;**
- 3. Muziko/art terapeut, 1 izvršioc;**

### **II**

Kandidati trebaju da ispunjavaju **opšte i posebne uslove** javnog oglasa kako slijedi:

#### **Opšti uslovi:**

- da su državljani Bosne i Hercegovine
- da su stariji od 18 godina
- da su zdravstveno sposobni za obavljanje poslova radnog mjesta na koje apliciraju

**Pored ispunjavanja opštih uslova kandidat mora ispunjavati i slijedeće posebne uslove i kriterije:**

#### **Za poziciju broj 1. Edukator-rehabilitator/defektolog odgovarajućeg usmjerenja:**

Visoka stručna sprema –VII stepen stručne spreme ili visoko obrazovanje najmanje I. ciklusa Bolonjskog sistema studiranja koji se vrednuje sa najmanje 240 ECTS bodova u zvanju diplomirani defektolog-oligofrenolog/diplomirani edukator-rehabilitator/bachelor specijalne edukacije i rehabilitacije, diplomirani defektolog-somatoped, položen stručni ispit, jedna (1) godina radnog iskustva u struci nakon sticanja visoke stručne spreme na poslovima u okviru svog zanimanja. Poželjno je da kandidati imaju iskustva u radu sa osobama sa poremećajima iz autističnog spektra ili su pohađali edukacije iz oblasti rada sa osobama sa poremećajima iz autističnog spektra.

#### **Opis poslova koje obavlja:**

Učestvuje u izradi funkcionalne analize ponašanja djece, učenika i odraslih u prevenciji i sprečavaju nepoželjnih obika ponašanja; učestvuje u izradi planova i programa Centra u svom djelokrugu rada;

prepoznaje djecu/učenike/odrasle korisnike sa poremećajima iz autističnog spektra i sa drugim poteškoćama u razvoju; Individualni i grupni rad sa djecom/učenicima/odraslim korisnicima sa poremećajem iz autističnog spektra, kao i rad u odgojnim grupama; Saraduje sa roditeljima tokom boravka djecom/učenicima/odraslim korisnicima sa poremećajem iz autističnog spektra u Centru; usmjeravanje djeteta/učenika/odraslih korisnika sa poremećajem iz autističnog spektra u najadekvatnije oblike odgoja i obrazovanja, socijalne zaštite i zdravstvene zaštite; kontinuirano praćenje osoba sa poremećajem iz autističnog spektra tokom razdoblja prilagođavanja; kontinuirano praćenje psiho-fizičkog razvoja djece / učenika / odraslih korisnika sa poremećajem iz autističnog spektra, te prevencija i nastanka tjelesnih deformiteta i poremećaja; procjena razvojnih sposobnosti djece / učenika / odraslih korisnika sa poremećajem iz autističnog spektra; planiranje, izrada i praćenje individualnih programa rada djece / učenika / odraslih korisnika sa poremećajem iz autističnog spektra; Štiti interese Centra, dostojanstvo struke, prava svakog djeteta i u svakoj prilici se pridržava etičkog kodeksa koji sadrži načela profesionalne etike i visok nivo odgovornosti, kao i pridržavanje organizacije rada u Centru propisane zakonom i podzakonskim aktima Centra i ostali poslovi u skladu sa Pravilnikom o unutrašnjoj organizaciji i sistematizaciji radnih mjesta u Javnoj ustanovi Centar za autizam „Meho Sadiković“ Tuzla.

#### **Za poziciju broj 2. Psiholog:**

Visoka stručna sprema – VII stepen stručne spreme ili visoko obrazovanje najmanje I. ciklusa Bolonjskog sistema studiranja koji se vrednuje sa najmanje 240 ECTS bodova diplomirani psiholog/bachelor psihologije, diplomirani pedagog - psiholog/bachelor pedagogije - psihologije sa dodatnim edukacijama iz oblasti psihologije, položen stručni ispit i najmanje jedna (1) godina radnog iskustva u struci nakon sticanja visoke stručne spreme na poslovima u okviru svog zanimanja. Poželjno da kandidati imaju iskustva u radu sa osobama sa poremećajima iz autističnog spektra ili da su pohađali edukacije iz oblasti rada sa osobama sa poremećajima iz autističnog spektra.

#### **Opis poslova**

Učestvuje u izradi funkcionalne analize ponašanja za djecu/učenike/odraslih korisnika sa poremećajima iz autističnog spektra te prevencija i sprečavanje nepoželjnih obika ponašanja; po prijemu osoba sa poremećajima iz autističnog spektra proučava dokumentaciju i vrši psihološku opservaciju u cilju procjene psihološkog stanja, obavlja savjetodavni i psihodijagnostički rad sa korisnicima te daje preporuke za rad sa korisnicima, radi na pripremi razvojnih i individualnih planova za djecu/učenike/odrasle korisnike sa poremećajima iz autističnog spektra (adaptacioni plan, plan rada i plan osamostaljivanja) u odnosu na dijagnostiku i potrebe, vrši savjetodavno-individualni i grupni psihološki tretman osoba sa poremećajima iz autističnog spektra, vrši izradu psiholoških izvještaja za korisnike, radi na aktivnostima profesionalne orjentacije kao i na program pripreme korisnika za samostalan život, prati adaptaciju korisnika i pruža podršku u prevazilaženju poteškoća i ostali poslovi u skladu sa Pravilnikom o unutrašnjoj organizaciji i sistematizaciji radnih mjesta u Javnoj ustanovi Centar za autizam „Meho Sadiković“ Tuzla.

#### **Za poziciju broj 3. Muziko/art terapeut:**

Visoka stručna sprema – VII stepen stručne spreme ili visoko obrazovanje najmanje I. ciklusa Bolonjskog sistema studiranja koji se vrednuje sa najmanje 240 ECTS u zvanju profesor/nastavnik muzičke kulture, diplomirani pedagog/bachelor pedagogije, diplomirani psiholog/bachelor psihologije, diplomirani pedagog-psiholog/bachelor pedagogije i psihologije ili u bilo kojem drugom zvanju koji se stiče završetkom edukacijsko rehabilitacijskog fakulteta.

Obavezno iskustvo iz oblasti muziko terapije ili art terapije, ili u roku od 3 mjeseca da završi edukaciju istog. Najmanje jedna (1) godina radnog iskustva u struci nakon sticanja odgovarajuće stručne spreme na poslovima u okviru svog zanimanja. Poželjno da kandidati imaju iskustva u radu sa osobama sa poremećajima iz autističnog spektra ili koji su pohađali edukacije iz oblasti rada sa osobama sa poremećajima iz autističnog spektra.

#### **Opis poslova:**

Učestvovanje u izradi funkcionalne analize ponašanja te prevencija i sprečanje nepoželjnih oblika ponašanja osoba sa poremećajima iz autističnog spektra; muziko/art terapija kao vid i sredstvo izražavanja i komunikacije; prepoznavanje neverbalne simbole i metafore koje se izražavaju kroz umjetnost i kreativni proces, a koje je uglavnom teško izraziti verbalnom komunikacijom; razvija socijalne i emocionalne vještine polaznika Centra i djece iz autističnog spektra, podrška u životnim procesima, promjenama i odlukama u stresnim situacijama i kao podrška roditeljima/starateljima polaznika i djece iz autističnog spektra Centra; usmjeravanje polaznika Centra i djece iz autističnog spektra sa autizmom da mogu kroz igru i tehnike ( terapeutsko pričanje priča, kreativne vizualizacije, ples, muzika, pokreti, glina, plastelin, crtanje, slikanje, igranje uloga, itd. ) da izraze svoja osećanja, ponašanje, različite načine kako doživljavaju sebe i druge; otkriva i ispituje uslove i uzroke devijantnog ponašanja djece iz autističnog spektra kroz muziko/art terapiju; analizira uspjeh polaznika i djece iz autističnog spektra i predlaže mjere za poboljšanje istog Pravilnikom o unutrašnjoj organizaciji i sistematizaciji radnih mjesta u Javnoj ustanovi Centar za autizam „Meho Sadiković“ Tuzla.

### **III**

Kandidat je dužan uz prijavu koja sadrži kraću biografiju, adresu i kontakt telefon priložiti originalne dokumente ili ovjerene fotokopije dokumenata o ispunjavanju općih i posebnih uslova, traženih ovim oglasom i to:

- a) Prijavni obrazac (Obrazac prijave može se koristiti iz Uredbe o postupku prijema u radni odnos u javnom sektoru u Tuzlanskom kantonu („Službene novine TK“ broj: 4/19) ili isti se može preuzeti u prostorijama Centra)
- b) Biografiju,
- c) Uvjerenje o državljanstvu (ne starije od šest mjeseci),
- d) Izvod iz matične knjige rođenih,
- e) Univerzitetsku diplomu - na ovjerenoj kopiji mora biti naznačeno da original ima suhi žig koji nije vidljiv na kopiji,
- f) Uvjerenje nadležnog organa (poslodavca) o radnom iskustvu iz kojeg je vidljivo da kandidat ima najmanje 1 (jednu) godinu radnog iskustva u struci nakon sticanja odgovarajuće stručne spreme na poslovima u okviru svog zanimanja,
- g) Dokaz o položenom stručnom ispitu,
- h) Ovjereni izjava da se na kandidata ne odnosi član IX 1. Ustava Bosne i Hercegovine;
- i) Iskustvo u radu sa djecom i osobama sa poremećajima iz autističnog spektra kandidati dokazuju certifikatima, preporukama i sl.
- j) Ukoliko se na poziciji broj 2. prijavljuju diplomirani pedagog – psiholog/bachelor pedagogije - psihologije obavezno kao dokaz priložiti dodatne edukacije iz oblasti psihologije (certifikati, diplome, uvjerenja i slično).

- k) Za poziciju 3. dokaze o iskustvu u oblasti muziko terapije ili art terapije ili izjava ovjerena od strane nadležnog organa da će u roku od 3 (tri) mjeseca završiti edukaciju iz oblasti muziko terapije ili art terapije.

Kao dokaz o radnom iskustvu prihvata se sljedeće:

- a) potvrde ili uvjerenja poslodavca ili poslodavaca kod kojih je kandidat radio ili radi, koja moraju biti precizna i detaljna, odnosno na kojima trebaju biti podaci o tome na kojim je poslovima kandidat radio – naziv radnog mjesta, jesu li to poslovi visoke stručne spreme/visokog obrazovanja, koliko dugo je obavljao navedene poslove, opis poslova, navesti jasno preciziran period radnog angažiranja na radnim zadacima;
- b) uvjerenje o činjenicama iz matične evidencije nadležne institucije za penzijsko i invalidsko osiguranje, uz obavezno dostavljanje potvrde koja razjašnjava šifre zanimanja iz uvjerenja, tako da se na osnovu ovih dokumenata može utvrditi da li je kandidat radio na poslovima za koje se traži visoko obrazovanje i koliko dugo, odnosno da posjeduje traženo radno iskustvo;
- c) pismo preporuke ili druga slična isprava ukoliko sadrži sve elemente potvrde ili uvjerenja iz stava 2 tačka a) ovog člana.

Kandidati mogu ostvariti pravo na prvenstvo pri zapošljavanju u skladu sa Zakonom o dopunskim pravima branilaca i članova njihovih porodica ("Službene novine Tuzlanskog kantona", broj: 10/20, 14/22 i 9/23) ako uz PRIJAVNI OBRAZAC dostave dokaz da se nalaze na evidenciji Službe za zapošljavanje kao nezaposlena osobe (ne stariji od mjesec dana od dana raspisivanja Javnog oglasa), zatim dokaz (potvrdu, uvjerenje) kojim dokazuje status branioca ili člana porodice branioca i ovjerenu izjavu da im radni odnos, zasnovan po osnovu ranije ostvarenog prioriteta pri zapošljavanju, nije prestao njihovom krivicom ili da po prestanku radnog odnosa nisu ostvarili pravo na otpremninu, odnosno da nisu korisnici prava na porodičnu penziju.

**Dokumenti koji se dostavljaju u ovjerenjima ne smiju biti stariji od tri (3) mjeseca.**

Izabrani kandidati će biti u obavezi da **prije prijema u radni odnos**, odnosno prije potpisivanja Ugovora o radu dostave:

1. Ljekarsko uvjerenje kao dokaz da je tjelesno i duševno sposoban za obavljanje poslova za koje se kandiduje,
2. Uvjerenje da protiv lica nije pokrenut krivični postupak,
3. Uvjerenje da lice nije osuđivano za krivično djelo za koje je izrečena zatvorska kazna, osim krivičnog djela protiv sigurnosti javnog saobraćaja

Javni oglas ostaje otvoren 8 dana od dana objavljivanja u dnevnom listu.

**Urednom prijavom na Javni oglas smatra se uredno popunjen PRIJAVNI OBRAZAC.**

**Potpunom prijavom smatra se prijava uz koju su kandidati dostavili sve dokaze o ispunjavanju općih i posebnih uslova i ostale dokumentacije naznačene u Javnom oglasu.**

**Blagovremenom prijavom na Javni oglas smatra se prijava koja je podnesena u roku koji je određen u Javnom oglasu.**

Ispunjavanje uslova utvrđenih Javnim oglasom računa se sa danom predaje prijave. Po zatvaranju Javnog oglasa Komisija za provođenje procedure prijema u radni odnos (u daljem tekstu: Komisija) će

prema dostavljenoj dokumentaciji izvršiti klasifikaciju kandidata. Neblagovremene, nepotpune i neuredne prijave na Javni oglas, Komisija će odbaciti zaključkom. Komisija će u pisanoj formi zaključkom obavijestiti kandidate koji nisu dostavili urednu, potpunu i blagovremenu dokumentaciju.

Kandidati koji nisu dostavili urednu, potpunu i blagovremenu dokumentaciju, ne mogu učestvovati u daljoj oglasnoj proceduri. Sa kandidatima koji ispunjavaju uslove Javnog oglasa i čije prijave budu uredne, potpune i blagovremene obaviti će se provjera znanja, radnih i stručnih sposobnosti i vještina putem pismenog testa i intervjuja.

Komisija će **emailom i telefonskim putem** pozvati kandidate na provjeru znanja, radnih i stručnih sposobnosti i vještina **putem pismenog testa**.

Kandidati koji na pismenom testiranju ostvare najmanje 70% od ukupnog broja bodova stiču pravo da pristupe intervjuu, koji ima za cilj procjenu profesionalnih karakteristika, iskazanih sposobnosti i kompetencija za radno mjesto na koje se kandidat prijavio. Kandidati koji na pismenom testiranju ostvare manje od 70% od ukupnog broja bodova isključuju se iz dalje oglasne procedure prijema u radni odnos. Komisija će izvršiti bodovanje kandidata, te sačiniti listu uspješnih kandidata. Izvještaj o provedenom postupku i listu uspješnih kandidata Komisija će dostaviti direktoru Centra, koji će donijeti odluku o izboru kandidata sa liste uspješnih kandidata.

Prijave na Javni oglas dostaviti u zatvorenim kovertama putem pošte na adresu:

**Javna ustanova Centar za autizam „Meho Sadiković“ Tuzla**

**Ulica: Bukinje bb**

**75203 Bukinje**

**KOMISIJI ZA PROVOĐENJE PROCEDURE PRIJEMA U RADNI ODNOS**  
**“Prijava na Javni oglas za prijem u radni odnos**  
**/OBAVEZNO NAVESTI POZICIJU/ \_\_\_\_\_ “**  
**sa naznakom „NE OTVARATI“**

**NAPOMENA:** Prijave na Javni oglas dostavljene u zatvorenim kovertama, na kojima nije navedena pozicija na koju kandidat aplicira, neće biti uzete u razmatranje.

Broj: 340-1/24

Datum: 14.05.2024. godine



*[Handwritten signature]*